

Cas di Cultura kier stimula talento di hobennan cu proyecto INCBTR



ORANJESTAD (AAN): INCBTR, pronuncia como 'incubator', ta un iniciativa di Cas di Cultura (CdC), unda ta stimula gruponan di teatro, baile, musica y cine pa desaroya talento di alumnonan y purba yega na expresionnan nobo. INCBTR, e abreviacion di INcentivando Creatividad y Broei Talento pa medio di Realizacion, ta un di e resultadonan di e vision mas amplio di CdC pa enfoca mas activamente riba arte di tarima, expresionnan corporal, creatividad, desaroyo di talento, experimentacion den arte y Industria Creativo. E filosofia general di INCBTR, como espacio fisico tambe (conoci como Kleine Balletzaal), no ta pa solamente arte y cultura florece den dje, pero tambe pa sirbi como sitio inspirativo pa varios otro tipo di actividad manera brainstorming, reunionnan, presentacionnan, shownan chiquito of como 'breakout room' durante congresonan.

CON ETATRAHA

Cas di Cultura no ta cobra huur pa e uso di e espacio, sinembargo ta rekeri cu gasto di electricidad y 'afschrijvingen' (material y eventual slijtage) lo wordo cubri door di e usuario. Tin un meter pa midi e uso di electricidad, e bon uso di materialnan di CdC ta wordo monitoria door di e coordinador y/of director di Cas di Cultura. Cu e programa Yesplan ta crea e transparencia di locual ta sosode den INCBTR, Patio y Auditorio. Asina ta segura cu no tin actividadnan conflictivo. E transparencia ta necesario tambe pa CdC duna e sosten di promocion pa conhuntamente ehecuta e meta di desaroya arte y e miras riba arte na Aruba. E "community manager" pa tur locual ta encera e valornan, proposito y ehecucion di e programa di e INCBTR ta Olga Gabrielle, cu tambe ta e persona di contacto y ta monitoria tur programa.

GRUPONAN DEN INCBTR DEN 2019

- ☐ 'Acting Classes' bou guia di Patty Cabrera
- ☐ 'Capoeira' bou guia di Chris Goedthart
- ☐ 'Stichting Saturdays' bou guia di Jess Wolff
- ☐ "Scriptwriting bou guia di Ben Heinze.
- ☐ "Salsa Speciality" bou guia di Freddy Gross.
- ☐ "Film Summer Camp" bou guia di Rebecca Roos.
- ☐ "Portrait Photography" bou guia di Kuro.
- ☐ "Scol di teatro Desiree" bou guia di Desiree Correa

PARTERNANY EVENTONAN

Bou di e mesun dak di Cas di Cultura, Stg. Schouwburg Aruba, ta opera Scol di Musica Rufo Wever, Da Vinci Academy y Scol di Baile Diana Antonette cu cual ta formando un partnership pa conhuntamente haci mas actividad y hunto duna mas nificacion na Cas di Cultura como centro cultural completo. Tin palabra cu nan tambe por haci uso di INCBTR pa shownan y presentacion riba scala mas chikito cu e mesun bon beneficencia cu otro gruponan di afor. Lo tin un presentacion di e INCBTR den cual tur usuario di CdC por showcase studentenan y docentenan talentoso. Asina ta crea mas programacion artistico-cultural y ta duna talentonan mas oportunidad pa expresa y experiencia cu pa presenta nan mes y nan talento.

Dia 6 di September 2019 lo tin un OPEN NIGHT unda lo por conoce y participa den e diferente ramo artisticonan cu ta activo den e INCBTR.
Tambe lo por disfruta di un ambiente ameno cu musica, charlaban y experiencianan corporal.

Horario: 5 pm - 9 pm. Entrada ta liber.